

ՄԵՐ ՀԱՅՐԵՐՈՒՆ ԽՐԱՏՆԵՐԸ

ԸՆԴՈՒՆԻԼ ՄԵՐ ԱՆՁԵՐԸ

Ընդունելու համար Աստուծոյ փրկարար շնորհքը՝ պէտք է ընդունի մեր անձերը իրենց բոլոր թերութիւններով եւ տկարութիւններով: Երբեմն կը դժուարանանք եւ չենք ուզեր հաւատալ, որ այս ինչ կամ այն ինչ տկարութիւնը գերի բռնած է մեզ: Բայց պէտք է ըլլալ մեր անձերը: Պէտք է ընդունիլ մեր անձերը այնպէս ինչպէս որ են: Երբ ընդունինք մենք զմեզ, ընդունինք մեր տկարութիւնները, այն ատեն է, որ Աստուծոյ Հոգին կը սկսի գործել մեր մէջ: Շատ դժուար է ընդունիլ մեր անձերը: Այնքան դժուար, որքան դժուար է ստիպել ուրիշը, որ ինքզինք ընդունի: Ինքզինք ընդունող մարդը, Աստուծոյ Հոգիին բերած խաղաղութիւնը ընդունած կ'ըլլայ, իսկ Աստուծոյ Հոգին ընդունողը՝ կարող կը դառնայ ուրիշներն ալ ընդունելու:

ԱՌԱԿ 4

Որդեանկ, լսէ՛ խօսքերս եւ գործադրէ զանոնք, այն ատեն պիտի երկարին ու առատանան կեանքիդ տարիները: Ես՝ իմաստութեան սկզբունքները կը սորվեցնեմ քեզի, կը ծանօթացնեմ ուղիղ ճամբաները, որպէսզի քալած ատենդ խոջընդոտի չհանդիպիս եւ վազած ատենդ յոգնութիւն չզգաս: Ամբողջ պահէ խրատս եւ մի՛ ձգեր. պահէ զայն, որովհետեւ ան քու կեանքդ իսկ է: Ամբարիշտներու ճամբէն մի՛ քալեր եւ մի՛ նախանձիր անօրէններու ընթացքին:

ԵԹԷ ԿԱՍ ԵՐԲ Կ'ՈՒՋԵՍ...

ԵԹԷ Կ'ՈՒՋԵՍ ՊԻՏՆԱԼ ՏԻՐՈՋ ԽՕՍՔԻՆ ԿԱՏԱՐԵԼՈՒԹԻՒՆԸ, ՄԱՐՈՒԹԻՒՆԸ ԵՒ ՎԱՏԱՅՈՒԹԻՒՆԸ, ԿԱՐՂԱ՝ Սաղմոս 19

Երկինքը Աստուծոյ փառքը կը պատմէ, երկնակամարը անոր արարչութեան կը վկայէ: Իրաքանչիւր օր նոյն վկայութիւնը կուտայ, ամէն մէկ գիշեր նոյն գիտութիւնը կը յայտնէ: Չկայ որեւէ խօսք, չկայ որեւէ բառ, եւ որեւէ ձայն չի լսուիր անոնցմէ. բայց ամբողջ աշխարհ կը սփռուի անոնց պատգամը, մինչեւ աշխարհի ծայրը կը հասնի անոնց վկայութիւնը: Աստուած երկնքի մէջ բնակարան կանգնեց արեգակին, եւ սա՛ փեսայի մը պէս իր առագաստէն դուրս կուգայ, հսկայի մը պէս ցնծութեամբ իր ճամբան կ'երթայ: Երկինքի մէկ ծայրէն կը ծագի ու մինչեւ միւս ծայրը կը շրջի, եւ չկայ՝ բան մը, որ անոր տապէն զերծ մնայ:

ՏԻՐՈՋ ՕՐԷՆՔԸ
ՏԻՐՈՋ Օրէնքը կատարեալ է, անձը կը վերանորոգէ.
ՏԻՐՈՋ պատուիրանները վստահելի են, իմաստուն կը դարձնեն պարզամիտները:
ՏԻՐՈՋ հրահանգները ուղիղ են, սիրտը կ'ուրախացնեն.
ՏԻՐՈՋ պատուերները լոյս են, աչքերը կը լուսաւորեն:
ՏԻՐՈՋ վախը սուրբ է, եւ յաւէտ անջնջելի.
ՏԻՐՈՋ դատաստանները ճշմարիտ են եւ միշտ արդար, աւելի ցանկալի՝ քան ամենէն զուտ ոսկին, աւելի քաղցր՝ քան մեղրախորիսիսէն քամուած մեղրը:

Միբելի ընթերցող, ճՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»-ը, կարողաւ կամ անդամագրուելու համար:

ՀԱՍՅԷ.

ՃՐԱԳ ՇԱԲԱԾԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 -Tel/Fax:01-258300- [facebook-ի էջ jerak](#) Ծրագր թերթ



ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ

ԲՈՒ ԽՕՍՔԻ ԽՍ ՂՅԵՐՈՒՄ ԵՐԱԳ Է ՈՒ ԽՍ ՇԱԽՂՆԵՐՈՒՄ ԼՈՅՍ (Ս, 119-105)

ԺԳ. ՏԱՐԻ ԿԻՐԱԿԻ , 19 ՅՈՒԼԱՍ 2020 ԹԻՒ 29

ԿԻՐԱԿԻ ՕՐԵՐՈՒ ԱՍՏՈՒԾԱՇԱՀՆՉԱԿԱՆ ԸՆԹԵՐՅՈՒՄՆԵՐ
Իմաստ. 7:25-8:4 Ձք. 14: 16-21 Ա. Յով. 1:1-7
ՅԻՍՈՒՍ ԹՐԻՍՏՈՍԻ ԱԲԵՏԱՐԱՆԸ ԸՍՏ ՄԱՏԹԷՈՍ 16: 13-17:13

ՏՕՆ ԱՅԼԱԿԵՐՊՈՒԹԵԱՆ ՏԵԱՈՆ ՄԵՐՈՅ ՅԻՍՈՒՍԻ ԹՐԻՍՏՈՍԻ(ՎԱՐՂԱՎԱՈ)

ՅԻՍՈՒՍ ԹՐԻՍՏՈՍԻ ԱԲԵՏԱՐԱՆԸ ԸՍՏ ՄԱՏԹԷՈՍԻ 16.24 -17.13

Ապա Յիսուս իր աշակերտներուն ըսաւ. «Եթէ մէկը ուզէ ինձի հետեւիլ, թող ուրանայ իր անձը, առնէ իր խաչը եւ ետեւէս գայ: Որովհետեւ ով որ ուզէ իր անձը փրկել՝ պիտի կորսնցնէ զայն, եւ ով որ ինձի համար կորսնցնէ իր անձը՝ պիտի գտնէ զայն: Ի՞նչ օգուտ, երբ մէկը ամբողջ աշխարհը շահի, բայց իր կեանքը կորսնցնէ, որովհետեւ որեւէ բանով չի կրնար իր կեանքը ետ առնել: Արդարեւ, երբ մարդու Որդին գայ իր Հօր փառքով իր հրեշտակներուն հետ, իրաքանչիւրին իր գործերուն համաձայն հատուցում պիտի կատարէ: Վստահ եղէք, որ հոս գտնուողներէն ոմանք պիտի չմեռնին՝ մինչեւ տեսնեն մարդու Որդին, որ կու գայ իր թագաւորութեամբ»:

Վեց օր ետք, Յիսուս իր հետ առաւ Պետրոսը, Յակոբոս եւ Յովհաննէս եղբայրները եւ զանոնք բարձր լեռ մը հանեց, ուր առանձին էին: Հոն այլակերպեցաւ անոնց դիմաց. իր դէմքը արեւու նման լուսաւոր դարձաւ եւ հագուստները լոյսի նման ճերմակ եղան: Եւ ահա երեւցաւ Մովսէսն ու Եղիան, որոնք կը խօսէին Յիսուսի հետ:

Պետրոս ըսաւ Յիսուսի. «Տէ՛ր, ի՛նչ լաւ է հոս. եթէ կ'ուզես երեք վրաններ շինենք, մէկը քեզի, մէկը Մովսէսի եւ միւսը Եղիայի համար»: Մինչ Պետրոս կը խօսէր, ահա լուսաւոր ամպ մը ծածկեց զիրենք եւ ամպին մէջէն ձայն մը լսուեցաւ, որ կ'ըսէր. «Այս է իմ սիրելի Որդիս, որ հաւնեցայ. անոր մտիկ ըրէք»: Երբ աշակերտները լսեցին ասիկա, սարսափահար երեսի վրայ գետին ինկան: Յիսուս մօտենալով՝ դպաւ անոնց եւ ըսաւ. «Ոտքի ելէ՛ք, մի՛ վախնաք»: Աշակերտները իրենց աչքերը վեր բարձրացուցին եւ Յիսուսէ զատ մարդ չտեսան:

Եւ մինչ լեռնէն վար կ'իջնէին, Յիսուս պատուիրեց անոնց ըսելով. «Մինչեւ, որ մարդու Որդին մեռելներէն յարութիւն չառնէ, ձեր տեսածը ռեւէ մէկուն մի՛ պատմէք»: Այն ատեն աշակերտները հարցուցին Յիսուսի. «Հապա ինչո՞ւ Օրէնքի ուսուցիչները կ'ըսեն թէ նախ Եղիան պէտք է գայ»:

Յիսուս պատասխանեց. «Ճի՛շդ է, Եղիան նախ գալով, պիտի պատրաստէ ամէն ինչ, բայց զիտեք, որ Եղիան արդէն իսկ եկած է, սակայն մարդիկ զայն չճանչցան եւ անոր հետ վարուեցան ինչպէս, որ ուզեցին: Նոյնպէս ալ մարդու Որդին պիտի չարչարուի անոնց կողմէ»: Այն ատեն աշակերտները հասկցան, թէ Յովհաննէս Սկրտիչի մասին կը խօսէր ան:

ՋԱՔԱՐԻԱ ՄԱՐԳԱՐԵԻ ԳԻՐՔԷՆ

14.16-21

Այն ատեն, Երուսաղեմի վրայ արշա-
ւած բոլոր ազգերու մնացորդները տա-
րիէ տարի Երուսաղեմ պիտի գան
երկրպագելու Թագաւորին, ամենակալ
Տէր Աստուծոյ, եւ Տաղաւարահարաց
տօնը կատարելու:

Այն ժողովուրդը, որ մերժէ Երուսա-
ղեմ գալ երկրպագելու Թագաւորին,
ամենակալ Տէր Աստուծոյ, անիկա անձ-
րեւ պիտի չունենայ իր երկրին վրայ:

Եթէ Եգիպտոսի ժողովուրդը չելլէ
ու չգայ, պիտի ենթարկուի նոյն
հարուածին որով Տէրը պիտի պատու-
հասէ այն ժողովուրդները՝ որոնք Տա-
ղաւարահարաց տօնը կատարելու չեն
գար:

Եւ պատուհարը, որ եգիպտացիներ-
ուն վրայ պիտի գայ, պիտի գայ նաեւ
բոլոր այն ժողովուրդներուն վրայ, ո-
րոնք Տաղաւարահարաց տօնը կատա-
րելու չեն գար:

Այն օրը նոյնիսկ ձիերու սանձին
վրայ գրուած պիտի ըլլայ. «Տիրոջ
համար սրբազործուած»: Աստուծոյ
տան կաթսաներն իսկ սուրբ պիտի
համարուին գոհասեղանին վրայ դրը-
ւած տաշտերուն նման ու Երուսաղեմի
եւ Հրէաստանի մէջ գտնուող ամէն
կաթսայ ամենակալ Տիրոջ անունով
նուիրագործուած պիտի ըլլայ:
Այնպէս, որ բոլոր անոնք, որ գոհ
մատուցանելու կու գան՝ պիտի առնեն
զանոնք եւ անոնց մէջ եփեն իրենց մա-
տաղը: Եւ այն օրը Աստուծոյ տան մէջ
ոնեւ վաճառորդ պիտի չգտնուի:

**Շարունակել
Աստուածաշունչէն**



**ՆՈՒՅՆՆԵՐ ԵՒ ՏՕՆԵՐ
ՍՕՆ ԱՅԼԱԿԵՐՊՈՒԹԵԱՆ
ՎԱՐԴԱՎԱՌ**

Մենք լսեցինք, մեր աչքերով տեսանք
եւ մեր ձեռքերով շօշափեցինք Որդին,
Բանը՝ որ սկիզբէն իսկ կեանքի ստեղծիչն
էր: Անիկա նոյնինքն կեանքն էր, որ
յայտնուեցաւ: Մենք տեսանք եւ կը
վկայենք, ձեռքի պատմելով անոր մասին,
որ Հօրը հետ էր եւ այժմ մեզի
յայտնուեցաւ: Ինչ որ տեսանք ու լսեցինք
կը պատմենք ձեռքի, որպէսզի դուք ալ
մասնակից դառնաք այն հաղոր-
դակցութեան, որ մենք ունինք Հօրը եւ
անոր Որդւոյն Յիսուս Քրիստոսի հետ,
եւ ձեր ուրախութիւնը կատարեալ ըլլայ:
Ահա թէ ինչու կը գրենք ձեռքի այս
նամակը:

Պատգամը, որ իրմէ լսեցինք եւ ձեռքի
կը փոխանցենք, սա է՝ թէ Աստուած լոյս
է, բնաւ խաւար չկայ անոր մէջ: Արդ, եթէ
ըսենք «հաղորդակից ենք իրեն» եւ միւս
կողմէ շարունակենք խաւարի մէջ ապրիլ,
կը ստենք ահա եւ ճշմարտութեան դէմ կը
գործենք: Իսկ եթէ Աստուծոյ լոյսին մէջ
փայլենք, ինչպէս ինք լոյսի մէջ է, այն
ատեն ճշմարտապէս հաղորդակից
կ'ըլլանք իրարու, եւ իր Որդւոյն Յիսուսի
արիւնը կը սրբէ մեզ ամէն մեղքէ:

**ՍՈՒՐԲԵՐ ԵՒ ՏՕՆԵՐ
ՏՕՆ ԱՅԼԱԿԵՐՊՈՒԹԵԱՆ
ՎԱՐԴԱՎԱՌ**

Վարդավառը ժողովրդական այն ա-
նունն է, որ կը տրուի Հայաստանեայց
եկեղեցւոյ հինգ գլխաւոր տօներէն «Այ-
լակերպութիւն» կոչուող տաղաւարին:
Այս նոյն տօնին կը վերագրուի նաեւ
երրորդ կոչում մը, որն է «Պայծառա-
կերպութիւն»:

Պայծառակերպութեան տօնը, ամէն
Տէրունական տօներու նման, կը վերա-
բերի Յիսուսի կեանքէն յատուկ դրը-
ւագի մը՝ Անոր փառաւոր ու լուսաւոր
կերպով երեւնալուն երեք առաքելանե-
րուն՝ Պետրոսի, Յովհաննէսի եւ Յակո-
բոսի, Գալիլիոյ սուրբ լեռան վրայ: Ահա
թէ ինչ ձեւով կը ներկայացուի մեր
Տիրոջ Յիսուս Քրիստոսի Այլակերպու-
թեան դրուագը Մատթէոսի աւետարա-
նին մէջ:

«Վեց օր ետք, Յիսուս իր հետ առաւ
Պետրոսը, Յակոբոս եւ Յովհաննէս եղ-
բայրները եւ զանոնք բարձր լեռ մը հա-
նեց, ուր առանձին էին: Հոն այլակեր-
պեցաւ անոնց դիմաց. իր դէմքը արեւու
նման լուսաւոր դարձաւ եւ հագուստ-
ները լոյսի նման ներմակ եղան:

Եւ ահա երեւցան Մովսէսն ու Եղ-
իան, որոնք կը խօսէին Յիսուսի հետ:
Պետրոս ըսաւ Յիսուսի.

– Տէ՛ր, ի՛նչ լաւ է հոս, եթէ կ'ու-
գես, երեք վրաններ շինենք, մէկը քե-
զի, մէկը Մովսէսին եւ միւսը Եղիային
համար:

Մինչ Պետրոս կը խօսէր, ահա լու-
սաւոր ամպ մը ծածկեց գիրենք. ամ-
պին մէջէն ձայն մը լսուեցաւ, որ
կ'ըսէր.

– Այս է իմ սիրելի Որդիս, որուն եւ
հանեցայ, անոր մտիկ ըրէ՛ք» (Մտ 17.1-6):

Վարդավառի կամ Այլակերպութեան
տօնին վերաբերող ամենէն աւելի ժո-
ղովրդականութիւն ունեցող աւանդու-
թիւնն է ջրախաղեր կատարելու աւան-
դութիւնը:

Կ'ըսուի, թէ Վարդավառի տօնակա-
տարութեան ընթացքին մանուկներ,
ծերեր, այրեր ու կիներ տուներու մէջ,
փողոցները, դաշտերը, գետերու ա-
փին, աղբիւրներուն եւ առուններուն
մօտ կուծերով իրարու վրայ ջուր կը
թափեն եւ զիրար ջուրներուն մէջ կը
մխրեն: Այս աւանդութիւնը Նոյի ժա-
մանակներէն մնացած է Հայաստան
աշխարհի մէջ:

Աւանդապատում

**ՀԱՐՑՈՒՄ ՊԱՏԱՍԽԱՄՆ
ԲԱԺԻՆ**

**ԱՌԱԻՑՏԵԱՆ ԱՂՕԹՔ
ՕԳՆՈՒԹԵԱՆ ՀԱՄԱՐ (ՄԱՂՄՈՍ 3)**

Տէ՛ր, ինչքան շատ են զիս նեղող-
ները, ինչքան շատ են ինձի դէմ ելող-
ները: Շատերը ինձի համար կ'ըսեն.
«Անկարելի է, որ Աստուած զինք
փրկէ»: Բայց դուն ո՛վ Տէր, դո՛ւն ես
պաշտպան վահանս, դո՛ւն ես փառքս,
գլուխս բարձր պահողը: Ամբողջ ձայ-
նով Տիրոջ աղաղակեցի եւ իր սուրբ
լեռնէն պատասխան տուաւ ինձի: Ես
կը պառկիմ կը քնանամ, վստահ՝ որ
գիշերն ամբողջ Տէրը զիս կը պահպա-
նէ: Ուստի բնա՛ւ չեմ վախնար բիրա-
ւոր այն մարդոցմէ, որոնք ամէն կողմէ
զիս կը պաշարեն: Ե՛լ, ո՛վ Տէր, փրկէ՛
զիս, ո՛վ իմ Աստուածս, ապտակ մը
տո՛ւր թշնամիներուս, փրկէ՛ ամբա-
րիշտներուն ակօաները: Փրկութիւն
դո՛ւն կու տաս, Տէ՛ր, թող օրհնու-
թիւնդ ժողովուրդիդ վրայ ըլլայ: